



MO MO
EMINENT. AC REV. PRINCIPI

ANTONIO

S. R. E.

CARDINALI

BARBERINO.



AVGVSTINVS BAGGIANVS ROMANVS

Sem. Rom. Cleric. F.



ON quærimus ab antiquitate
stipem, dum luoniani somni
prærogatiuam sumimus exor-
nandam. ^a Somnus, quem su-
blinem alis vides (Eminentis-
sime Princeps) cum lethæa
virga, & irriguo cornu, stipa-
tum volatica sobole somniorum non magis Epi-
menidem sopit, quam veterum commenta de suo
educat nomine. ^b Epimenidem illum quinquagesi-
mam Solis orbitam dormiuisse, vt mortalitatem

^a Ex Pbi
frato in A
pbisrao.

^b Laertius
l. i.

A 2 edormiret

edormiret suam, somniarunt. Immortalitatem
 nominis illi fecit mortis germana dormitio: Di-
 uinitatem bruta humanitatis officia peperere.
 Adeo semper exorbitauit antiquitas. Quod quæ-
 rimus citra somnium est. Gentilitij nimirum tui
 stemmatis inter alstra pro Triangulo restituti pa-
 trocinium. Tribus stellis gens illa hominum vetus
 triangulum finxit. nesciebat tuas esse apes sidera-
 les. quas bene collocaret in triangulo, hoc est in
 absolutæ Maiestatis insigni. Neque suspicio laudis
 affectatæ aliquem subornat. quia potuerunt ab an-
 tiquo tuæ Apes inter stellas adoptari, quas ab
 æterno Deus suo optauit regnatrices in Cœlo.
 Age igitur tuis sub stellatis apibus mea de luone
 quiescat oratio: quando Astrorum est, & Tuorum
 mellifluo sopore mortales irrigare. & Apum est
 & Tuarum mellificare in ore dormientium, fra-
 tremque Momi somnum à fratre defendere.
 Quamquam tantæ opis opus erit hoc pertenuē:
 quando assuetæ sunt Apes tuæ pro Urbibus, pro
 Orbibus excubare. Vale.



ORATIO.

99



SQVE adeo prodiga laudis est prærogatiua sanctitatis , vt Somnum etiam laudabilem faciat (Eminentissimi Principes) IVONEM , quem solemnî ritu concione prosequimur honoraria , miramur etiam in somno iacentem . Gemellus ^a ille mortis , & funeris præcursor ; Siren illa

^a Homer. Iliadis .

conciliatricula , quæ vectores ætatis nescio quo murmure sopit , ac merfat ; Publicanus ^b ille sordidus , qui dimidium Vitæ corradit ; viuendi confinium ^c illud , & non viuendi , quo ita distrahimur , vt neque simus omnino , neque non simus : hætenus laudari iure non poterat . Atticæ medulla sapientiæ Plato monuerat , vt quantum quis vellet viuere , vigilaret . secederet nimirum in ^d Ægam Insulam , vbi qui consopiri possit est nemo . Mycerinus ^e ille accepto de breuitate vitæ Butis oraculo dormire deinceps noluit , vt diutius victitaret . Hominem inter mortis , vt ait ille ^f , parua mysteria somno sepultum , superstitem adhuc esse quiquid indicat , non magis hominem , quàm pecudem probat stupore belluino porrectam . Sanè ^g Epaminondas cum sopitum inter vigilias confoderet militem . Qualem , aiebat , te inueneram , relinquo : quia scilicet illum , antequam gladius , interemerat Somnus . Somnus inquam ille , qui sensus extimos , hoc est animi excubias per illecebræ fraudem , pedica torporis aggressus , pederentim ipsam Rationis Arcem caput inuadit , totoque exinde corpore temulentus insultat , viresque euertit omnes atque dissoluit ; prostratæ demum humanitatis spoliū , obbrutescentem illam corporis captiui speciem , deducit

^b Aristom.

^c Arist. l. 1. gener. animal. c. 1.

^d Nicocra

^e Aelianu

^f Mnesimachus Comæcus. g Iul. Frontin. l. 3. stratag. c. 12.

*Hesiod. in
Theogon.*
*Pausa l. 2.
Chorin
iacis.
Laertius l.
c. 17.
Orpheus in
ymno.*
in triumpho. Et Vitæ vos labem, & animi, corporisque dis-
scidium, & Cimmeriæ caliginis cum Momo^a fratre Som-
num indigenam, euocabitis in lucem hominum, & exor-
nabitis laudibus? Exornabitis plane; si quando ille in lu-
nem inciderit: in quo sortitus suarum cumulum laudum;
papauere^b aras suas, & thymiamare vaporatas, vete-
rumque salutationes ementitas, quibus audiebat, Ocium^c
Vitæ, placidissimum Numen, ^dRex hominum, ac deo-
rum, & quidquid tota illa seculi somniauit literatura: eiur-
abit faciliè factus in luone penè diuinus. Quoniam verò
non vna ratione, sed iam saxo, iam volumine sacro ad
cervical adhibito somnus est ab luone petitus: hunc etiam
ordinem petamus orationis nostræ, vt luonis qua lapidi;
qua libro incumbentis Somnum dignissimum esse laudi-
bus ostendamus. Quod dum aggredior facere: vestræ erit
opis (Eminentissimi Principes) vt insomniolam elo-
quentiam meam de luonis somno dicentem, vestra illa se-
dulitate, quâ Orbi inuigilatis vniuerso exciteris, atque hu-
manissime foueatis.

*Horatius
rebus Per-
sum.*
Cantab. 2.
P. Ovid. 80.
Molles itaque somnos luo non in purpura, aut floribus;
non in vtribus, vasisque Persarum; sed in saxo captabat.
Et tamen cuius altera vitæ pars tota in exantlandis labori-
bus fuerat: non oportebat alteram, quæ quietis est portio,
ad lapidem requiescere. at ille laborum avarus laborem
etiam quærebat in quiete: & delicatam somni mollitu-
dinem saxo durabat. Habebat illum lapidem non labo-
riose vigilæ terminalem, sed litoralem columnam, vnde
solueret in pelagus laborum æstuosum. Itaque qui cate-
nis horrificis latus adstrinxerat, qui multorum se dierum
inediâ macerauerat, hoc est, qui se stipauerat spinis: pro
florum fulcro, quod Amoris languor suo affectat in scarmi-
ne, saxum perebat: vt fœderatos vigilæ somnos haberet.
Sugebat nimirum^e mel de petra: qui somnum quærebat

in petrâ. in petra, inquam, quæ vetèrum abolito ritu, non manalem^a exprimeret lapidem, quem ex Ara Martis per ^a *Felsi.* Capenam portam inferebant, vt pluuiam detorquerent: sed pluuium sufficeret Cœli mel beatissima vena. Oria igitur somni in petra caperet placidissima. Quidni? Mandragoram biberat potentiorẽ, & soporiferam lethæ Beatorum: sensumque cadiuæ voluptatis omnem amiserat. qui mortuus, dum viueret, erat, ad saxum poterat molliter indormire: quia cuius erat vigilia rebus fluxis planè defuncta, eiuldem debebat esse somnus in sepulcro. quamquam in eo sepulcro melius vivebat, videbatque luo felicius, quam Tiberius^b Cæsar, cum destertuisset, lucem in tenebris: quippe, cui Cœlo disserenato diuina monstrabantur. Quare, lapidem luo ex industria subderet cervici, non quasi^c Hammonis cornu, hoc est lapidem in Hammonis templo appeteret, in quo mira somniaret dementer imaginofus: sed quia de lapidis puluino frequentes superis^d *Genes. 28.* scalas^d vidit olim fortunatus ille fraternæ similitudinis exsul, erexitque in titulum lapidem illum verè prodigiosum. An luo non videret in somnis adhibitæ cœlo scalas, quo conscensum parauerat vigilando? Repetebat mente per somnum, quod re ipsa inter vigilandum effecerat. Cœlum violentus vt raperet adortus erat, scalasque hoc est vota sua sempiternis muris intulerat: id ipsum, vt astitit, sopitus iterabat, scalasque somnorinas habebat. vbi lapis conterminus scalis, aut vallum, aut agger erat obsidioni paratus, aut iactus non Babylonæ Turri fundandæ, sed applicandis Virtutum gradibus, quibus Cœlum intraretur. Et non signaret luo hoc lapide planè candido noctes suas nota felicitatis? eundemque non erigeret in titulum iure triumphalem? In quo describat Amor aut demortui luonis Epitaphium, aut triumphantis encomium. Hic iacet luo. satis est scriptum in solo nomine, si potes advertere.

Antequam

Antequam in Britannia minore nasceretur, Gigantis specie vilus est Matri, quia gentium bono publico Heros homine maior nascebatur. Aureliæ, Luteriæque præplices habuit Athenas. Gallias potenti sermone peruasit, ut fidem faceret Herculi Gallicano. * Caussarum egit & Iudicem, & Patronum. alterum altero commutauit. Aduersas res Spartana melius nobilitate decoxit. secundas magnanimitatis supercilio despexit. Nullo potionis, aut cibi com meatu multorum dierum famem traduxit: vivebat enim verbo Dei. Diuinis rebus asuetus, distentus octiduum à corpore, discessit à sese. Cælestium usus est assatu. Numen habuit conuiuam. habuit ad aram dum faceret allapsum in comas Coronarium Diuinitatis ardorem. Morbi eius imperium: eius virtutem lemures timuerunt. vnico pane famelicorum turbas excepit. dicto flammæ violentiam excussit. nutu eluuiouem inhibuit vndarum, flagellum excandescentis annonæ comminuit. inter Cæli Reges, in Aula, inquam, pauperum, quorum est Cælum, sub ditione, regnavit. Hæc profecto in eo superstitis Iuonis epitaphio lapide Munerarius Amor inscripserat. Quamquam Iuo non Heroa se in lapide volebat incidi, sed Christi mancipium. ideoque iacebat ad lapidem; quia pronunciari solent de lapide res venales. & ille quidem se Christo vendiderat, ut cum scœnore lucrificeret Christum, cuius obtineret in petrâ non pedis, sed capitis positione dominium. O Iuoniani somni prærogatiuam eximiam, quando potentio rem Mercuriali virgam incutiens, de putri lapide flumina laudum elicit tam benigna. Ita delicias suas Iuo collocarat in lapide, & nidum in petrâ statuerat, quia petra erat Christus: & Iuo dum in id ipsum * requiesceret, manere amabat semper in Christo. Quare quod erat altera orationis nostræ pars, si quando sui somni vellet asperitatem emollire pro lapide cæle-

Lucian. de
Iercule Gal-
lico.

Cic. in Pi-
nem,

Psal. 4.

flis disciplinæ mōnūmēta, librum, inquam, dictatrice diuinitate conscriptum supposebat: vt scilicet in Verbo Dei & viueret, & dormiret; & quatenus daretur Amoris priuilegium caperet: si iaceret in eius sinu, in quo ille recubuit, qui ex discipulo repente doctor Vniuersitatis humanæ^a Arcanum diuinitatis explanauit. Et sanè quorsum spectaret Iuo dum dormiret in libro Dei, nisi vellet etiam diuina inter dormiendum addiscere? In somnis afflari^b diuinitus animum, adeoque seorsim à corpore per noctem sapientiæ præceptis medicandum esse veteres voluerunt. Somnum etiam Dei nuncium,^c & disciplinæ Conciliatorem salutarunt. Simul enim ac alimonix calore concepto attolluntur in cerebrum volatici vapores, ac rigore illo natiuo concreti diribitorem obstruunt meatum, vnde spiritus, viresque in sensus extimos manant: post verborum salebras intercisas, post nantes oculos, & dilabidum caput, sopor primùm influit leuis, altus deinde somnus incumbit. Interea brutis officijs animus feriatu sibi redditur, & tumultuario quasi de maris æstu in sinum quendam egressus recipit se se. hic quamquam ex agitatione illa diurna sicut nobis in salo iactatis vsuuenit, vacillat adhuc, & fluctuat pristinis motibus: exanimales^e tamen curas sensim exutus, in se tandē induit^f se diuinis percipiendis iam paratus. Nouere Mortalium vertices Adamus, & Salomon^g somni magisteria. Neque opportunius Ethnici putabant se posse vel discere diuina, vel docere, nisi dum in lectos,^h & somnum irent. Iam verò Iuo non alimonix, sed diuini æstus calore prolapsus in somnum minimè somniosum quantum didicerit penditote: atque hinc aduertite quid sibi velit Iuoniani somni in multas noctes, diesque productio. Dilecto suoⁱ somnum Dominus dederat, & ne sulcigaretur^k ex illo præceperat. quia nimirum dormiebat Iuo amores suos, cælestisque disciplinæ percipiebat arcanum.

Io. 1.

b Zamolxis
apud Platonem.c Xenophon
8. Pædiat.
d Phœnuc.e Tertullianus
l. de anima

43.

f Hippocrates
de Insomnijs.

g Reg. 3.

h Pers. Sat. 1.
Senec. ep. 73

i Psal. 126

k Cantic. 2.

rum & tesseræ monstraturas denique aut Canem, aut Venerem. Somnia dicimus vera, quæ vel diuinitus irrorantur, vel corporis, animique affectione pariuntur: quibus coniiciendis non puerum ^a Sabinum, non atratum senem, non anus veratrices adhibemus: ubi coniector est optimus staturus visis euentus. Non ergo luoni per somnum Sol elabebatur è manibus, ut Cyro; non olea ^d intendebatur coronalis, ut Xerxi; non Minerua videbatur fulminans, ^e ut Syllæ: sed ea recurrebāt in animum, quæ inter vigilandum effecerat. Animus nimirum humanus dum concubia nocte suas se se penetrat in sedes, & memoriæ thelauros ingreditur, quidquid per diem illuc transtulit auidè lustrat recensione nocturna. Videbatur luoni cum diem impenderat in orbitate viduæ confouenda, defletis matrona oculis, obortoque valgiter in gemitus labro luonianam opem miserâ gestticatione postulare. Ille mœrentem humaniter excipiebat, promisso patrocínio propitiabat sollicitudinem externatæ, in iudicium comitabatur, inibique tanta contentione perorabat aliquando: ut vel in somno vigiles illos eloquentiæ excubitores facile superaret. Aderat interdum iniecto ceruicibus laqueo, caperata fronte, barbis horrentibus, morti scelerosus quisquam iam deuotus. Tâgebat luonis animum emortalis aspectus. oportebat tamen Iudicem esse. Mouebat urnam, calculum arripiebat. damnationis notam, capitale theta, necesse erat inscribere: sospitum Tau supponere satagebat. In libro, & in verbo vitæ somno se dabat, non poterat proferre verbum mortis. quod tamen si de legis imperio excutiebat, perterrefactus illico, & cordis subituario tumultu excitus, somnum abrumpebat meticulo- sum: quem non aquis ^g de more veterum, sed ablueret lacrymis suis. Ingens aperiebatur quandoque aula domestica: in medio mensa opipara parabatur: circum egentium turmæ confluebant. Ipse confestim afferre pollubrum, canum

^a *Suton. in Galba c. 18.*

^b *Plutar. l. viii. de Sylla.*

^c *Herophilus.*

^d *Dionys. de rebus Persicis.*


^e *Herod. l. 7.*

^f *Plutarchus in Sylla.*

^g *Aristoph. in Batrachis.*

cænum, ac liuidos balatronēs extergere: cētones dein-
de pannosos mutare cœnatorijs: in triclinio denique collo-
care. Inter eos miserorum greges nescio quis obutu mor-
tali aspectus augustior emicabat. illinc luo pascebat audus
oculum, intimisque allapsam medullis flammæ insolentia
hauriebat. Interea vultu hospes erecto clara refulget in
luce, diuinumq; de comis afflat odorem, denique, Pax ait,
vobis, & è vestigio in auras euanescit. Tum vero luo paca-
li percussus voce amores recognoscit suos, seseque dum
conclamat illufum, recedentem sin minus oculis, persequi-
tur votis: suspirio denique sollicito inundatus emergit è
somno. Quamquam haud potuit diu distingri à Numine,
cuius ducebat ab ore dies suos. Somnum intetefum iamdiu
ferre non potuit. Amabat eum allabi sibi somnū, ex quo
solui non posset. Assuetus igitur in petra Christi, & in Ver-
bo Dei dormire facile tandem obdormiuit in Domino.

Videte iam quantas laudes luonianus habeat somnus;
coniecturam inde facite de vigilijs: eas qui laudet Orator,
oportet esse vigilantem. condonari mihi potuit negligē-
tia de somno dicenti. Interea vos Causarum Arbitri, & Pa-
troni primores, luonianæ laudis hæredes in cera suprema:
hac vobis cernite hæreditatem in culcitra, & quod olim
Athanafius de palmea Pauli culcitra, vos de vestra hac
instaurate. Hunc lapidem, hunc librum summis honoribus
colite, & vt par pari referatis, luoni modo lapides, modo
libros consecrate. vel incidite, si mauultis, in marmore,
& scriptis voluminibus prodite tantæ monumenta sancti-
tatis.



DIXI,

LAUS DEO.